



Republika e Kosovës – Republika Kosova
Paneli Zgjedhor për Ankesa dhe Parashtresë
Izborni Panel za Žalbe i Predstavke

Anr.151/2014

Paneli Zgjedhor për Ankesa dhe Parashtresë (PZAP), në përbërje nga gjyqtarët: Xhevdet Abazi kryesues, Muhamet Rexha dhe Ferit Osmani anëtarë, duke vendsur përkitazi me ankesën e Lëvizjës për Vetëvendosje (LVV), dega në Prizren, paraqitur kundër subjektit politik Partia Demokratike e Kosovës (PDK), dega në Prizren, për shkak të vendosjes së posterit mbi rrugë publike, për Zgjedhjet e Parakohshme Parlamentare, në seancën e panelit të mbajtur me 06.06.2014, mori këtë:

VENDIM

Miratohet si e bazuar ankesa e Lëvizjes për Vetëvendosje (LVV), dega në Prizren, kështu që subjektit politik Partia Demokratike e Kosovës (PDK), dega në Prizren i shqiptohet dënim i më gjobë në lartësi prej 1400 (njëmijë e katërqind) euro, të cilën detyrohet ta paguaj në afat prej 15 (pesëmbëdhjetë) ditë nga dita e pranimit të këtij vendimi.

Arsyetim

Me datën 04.06.2014, Lëvizja për Vetëvendosje dega në Prizren, ka paraqitur ankesë në PZAP me të cilën pretendon se me datën 03.06.2014 diku rreth orës 12:00 aktivistja e tyre ka vërejtur se mbi udhëkryqin që lidh rrugën “Jeronim Derada” dhe “Westley Clark” në Prizren, ishte vendsur posteri i kandidatit për deputet në Kuvendin e Republikës së Kosovës, Irfan Fusha nga radhët e subjektit politik PDK. Me këtë rast parashtruesi i ankesës thekson se është bërë shkelje e nenit 4 paragrafi 4.1 pika b) të Rregullës Zgjedhore nr.11/2013, Nenit 3.4 të Rregullës Zgjedhore 2013 dhe e Kodit të Mirësjelljes për subjektit politik, mbështetësit e tyre dhe kandidatët. Me këtë rast parashtruesi i ankesës si dëshmi ka bashkangjitur një fotografi.

PZAP-i, në kuptim të nenit 4 paragrafi 3 të Rregullave dhe Procedurave të PZAP-it, dhe 120 paragrafi 1 pika a) të LZP, subjektin politik Partia Demokratike e Kosovës (PDK) e informoi dhe Urdhëroi që të ndërmarr masat përmirësuese lidhur me ankesën e datës 05.06.2014, dhe ka kërkuar që të përgjigjet ndaj kësaj ankesë deri më datë 06.06.2014 në ora 10:00.

Sipas afatit të caktuar, PZAP-i, mori përgjigjen e kërkuar nga subjekti politik PDK në të cilën deklaron se aktivistët e PDK-së në Prizren brenda afatit të përcaktuar kanë ndërmarrë të gjitha masat përmisuese dhe kanë hjekur posterin e kandidatit për

deputet Irfan Fusha të vendosur në rrugë publike, në qytetin e Prizrenit për të cilën është parashtruar ankesat. Përgjigjes në ankesë ia kanë bashkangjitur fotografinë me të cilën dëshmohet veprimi i largimit të posterit nga vendi që është bërë shkelja e pretenduar në ankesë.

PZAP-i, pasi që shqyrtoj ankesën gjeti se:

Ankesa është e bazuar

Nga fotografitë e ofruara si provë të cilat gjenden në shkresat e lëndës shihet qartë se posteri i kandidatit për deputet nga radhët e subjektit politik PDK Irfan Fusha janë vendosur në udhëkryqin që lidh rrugën “Jeronim de Rada” dhe “Westlay Clark” në Prizren, e që është në kundërshtim me nenin 33 pika b) të LZP-së e cila dispozitë juridike përcakton veprimet e ndaluara nga ana e subjekteve politike gjatë fushatës zgjedhore që ndalon vendosjen e pllakateve, posterave dhe njoftimeve brenda ose jashtë ndërtesave publike.

Për përcaktimin e lartësisë së gjobës të vendosur në dispozitiv të këtij vendimi PZAP-i, ka marrë parasysh faktorët në vijim:

- Natyra e shkeljes dhe ndikimit të mundshëm të saj në procesin zgjedhor;
- Shkallën dhe peshën e shkeljes;
- Nëse subjekti politik ka marrë pjesë në zgjedhjet e mëparshme, konsiderohet se kanë qenë të njoftuar me obligimet dhe përgjegjësit gjatë procesit të fushatës;
- Nëse subjekti politik ka bërë shkelje të ligjeve zgjedhore në fuqi në këto zgjedhje apo në zgjedhjet e mëparshme në Kosovë si dhe
- Shumën e fondevë të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

PZAP-i, mori parasysh të gjitha rrethanat si rëndësuese ashtu edhe ato lehtësuese. Si rrethanë rënduese mori se subjekti politik PDK ka marrë pjesë edhe në zgjedhjet e kaluara dhe se është i njoftuar me rregullat zgjedhore. Ndërsa si rrethanë lehtësuese PZAP-i mori se subjekti politik PDK, pas marrjes së kërkesës për përgjigje në ankesë nga PZAP-i, brenda afatit të caktuar, ka ndërmarr veprime të dukshme për evitimini e shkeljes duke i larguar menjëherë posterat nga vendi ku ka ndodhur shkelja.

Andaj PZAP-i duke marrë parasysh të gjitha arsyet e lartcekura se nga ana e subjektit politik PDK është shkelur nen 33 pika (b) të LZP-së, pasi që posterin e kandidatit të tyre të vendosur mbi rrugë publike, si dhe duke pasur parasysh veprimet e menjëherëshme të subjektit politik PDK që ka ndërruar përvimin e shkeljes si dhe përpjekjet përfshirë të parandaluar veprimet e ndaluara në bazë të provave të cilat i ka ofruar të bashkangjitura përgjigjes në ankesë e të cilat veprime kanë ndikuar në lartësinë e gjobës së shqiptuar, PZAP-i në kuptim të nenit 118.1 të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashresa

Anr.151 /2014 më datën 06.06.2014.

Kryesuesi i Panelit
Xhevdet Abazi



PZAP nuk do t'i pranojë kërkesat përfshirë brenda njëzetkatër (24) orëve nga momenti i marrjes së vendimit nga PZAP-i, në rast se gjoba e përfshirë është më e lartë sesa pesëmijë (5, 000) Euro ose në rast se çështja prek një të drejtë themelore.